

四庫全書

史部

欽定四庫全書

史部

欽定熱河志卷

六十五  
六十二

詳校官編修臣曹斌

檢討臣德生覆勘

總督舉人章維桓

校對官編修臣戴心亨

謄錄監生臣陶嗣曾

欽定四庫全書


欽定熱河志卷六十

建置沿革六

遼



建置沿革圖九 遼



遼

遼為中京道大定府恩州惠州高州武安州利州  
榆州潭州北安州兼得澤州地興中府安德州川  
州建州兼得來州隰州宜州地上京道臨潢府地  
饒州徽州成州松山州地

今承德府本境為北安州及澤州之灤河縣地灤  
平縣為北安州地其西境為奚王府地豐寧縣為  
北安州利民縣其西境為奚王府地平泉州為大

定府大定縣長興縣勸農縣富庶縣文定縣升平  
縣歸化縣金源縣恩州恩化縣其南境兼得澤州  
神山縣地赤峰縣為高州三韓縣松山州松山縣  
其北境饒州長樂縣臨河縣安民縣地臨潢府臨  
潢縣定霸縣保和縣潞縣宣化縣地建昌縣南境  
為利州阜俗縣潭州龍山縣榆州和衆縣永和縣  
東南境兼得隰州之海濱縣及來州地北境為惠  
州惠和縣兼得高州之三韓縣地朝陽縣為興中

府興中縣營邱縣象雷縣間山縣安德州安德縣  
川州宏理縣咸康縣建州永霸縣永康縣徽州成  
州同昌縣武安州沃野縣其西北境為大定府之  
神水縣東境兼得宜州之宏政縣

遼史地理志中京大定府漢末步奚

步奚據元一  
統志當作部

奚居之魏武北征降者二十餘萬去之松漠其後  
拓拔氏建牙於此當饒樂河水之南溫榆河水之  
北唐太宗伐高麗駐蹕於此部帥蘇支從征有功



奚長可度率衆內附為置饒樂都督府咸通以後  
契丹始大奚族不敢復抗太祖建國舉族臣屬聖  
宗嘗過七金山土河之濱南望雲氣有郭郭樓閣  
之狀因議建都統和二十四年五帳院進故奚王  
牙帳地二十五年城之實以漢戶號曰中京府曰  
大定有七金山馬盂山雙山松山土河統州十縣  
九

按遼有兩中京其一在鎮州

今正定府

太宗大同元

年南征時所立五代史載世宗於中京即位者是也未幾入於北漢其一為聖宗所建之大定府即元之大寧路明初之大寧衛在今平泉州治東北一百八十里喀喇沁扎薩克公旗境今尚稱為大寧城蒙古稱為察罕蘇巴爾罕城大定府屬之大定長興勸農富庶文定升平歸化金源諸縣俱在今平泉州境說詳後

又按遼志稱中京大定府拓拔氏建牙於此拓

拔氏即係元魏自西晉末為代公進封代王及  
道武稱帝其所居之地去此絕遠據元一統志  
奚匿松漠間歷晉不敢復出元魏時其部族始  
於此建牙帳是建牙者乃奚之部族非即指拓  
拔氏此遼志之誤也志又稱唐太宗駐蹕於此  
太宗之伐高麗道出營州經臨渝關唐之營州  
為今錦州府全境及建昌縣朝陽縣之東南境  
臨渝關即今之山海關亦不應遠出於奚地又

部帥蘇支唐書作蘇文奚長可度唐書作可度者遼志傳譌頗多蓋未盡可據也

又按遼志於諸地沿革援引漢縣率多影響如

以大定府及富庶縣恩州為漢新安平縣地

漢新

安平縣屬遼西郡為封大水龍鮮水入海之處距海甚近當在今滦州西界詳見建置沿革一

漢縣辨證下

以龍山縣為漢交黎縣地

漢交黎縣屬遼西郡為渝

水下流入海處當在今臨榆縣及寧遠州界詳見建置沿革一漢縣辨證下

以長興

勸農二縣為漢濱從縣地

漢濱從縣屬遼西郡後漢分屬遼東屬國

與徒何無應諸縣相  
接當在今錦州府界  
以榆州為漢臨渝縣驪成

縣地

漢臨渝縣屬遼西郡後漢併象縣入臨渝  
其地南濱海臨渝縣有渝水為渝關所得

名當在今臨榆縣界漢驪成縣屬右北  
平郡有大碣石山當在今灤州南界

以榆州

所屬之永和縣為漢昌城縣地

漢昌城縣屬右  
北平郡水經注

新河故瀆逕昌城縣故城北當與  
海陽縣相接在今灤州西南界

以澤州灤河

縣為漢土垠縣徐無縣地

漢土垠縣徐無二縣皆  
屬右北平郡水經注

庚水逕徐無縣故城東巨梁水逕土垠縣故城  
東並在邊內與鮑邱水下流相近徐無縣當在  
今遵化州西界土垠縣  
當在今豐潤縣東界  
以北安州利民縣為漢

女祁縣且居縣地

漢女祁且居二縣皆屬上谷郡水經注于距水逕且居縣

故城南陽樂水逕女祁縣故城南並在今宣化府境且居縣當在今宣化縣東界女祁縣當在

今龍門縣東界

皆顯然舛誤其餘若以松江縣為漢文

成縣地以問山縣為漢且慮縣地亦並無確證

其所引唐某州某縣如以惠州為唐歸義州地

以武安州為唐沃州地以高州為唐信州地以

川州為唐青山州地以金源縣為唐青山縣地

以榆州為唐黎州地以和衆縣為唐新黎縣地

以永康縣為唐昌黎縣地皆唐羈縻州縣之名  
當其時多屬僑治並無疆域遼志所列未免出  
於臆撰今悉從刪畧

大定縣

白雷故地以諸國俘戶居之

按大定縣近附府治即今中京城內清類天文  
分野書曰遼建中京置大定赤縣

長安

當作長興縣以諸部人居之

按長安縣金史地理志作長興而不言更名元

志亦同蓋遼史字譌一統志原本謂長興廢縣在故大寧地而不言其方向九邊圖又謂縣在

馬盂山西

九邊圖誤指馬盂山廣袤千里故稱南惠和西長興北全寧皆未足為據

詳見山門

今考遼長興縣至元始廢元一統志曰遼

既建中京置長興為赤縣蕃漢流民襍居其間故其習俗不同元中統二年省入大定縣後改為大寧又曰金北京大定府治大定長興二縣乃知大定長興並為府治猶之南京析津府治



析津宛平二縣西京大同府治大同雲中二縣  
蓋京縣之制如是也大定與長興同在中京城  
內大定縣治當在府南長興縣治當在府北並

在今平泉州境考金志於長興縣及三韓縣

即高

州在廢高州  
但存三韓縣

皆注有塗河

據元一統志塗河即  
今土河亦名老河詳

見水

知長興縣境與高州相接高州在中京之

北元時大定縣既併長興之後距高州界一百

五十里則長興未併之先必在高州之南大定

之北矣方輿紀要謂長興縣在大寧衛南者誤

勸農縣

開泰二年  
析京民居

按遼勸農縣至金即廢元一統志謂金析其地  
屬長興縣是勸農縣當與長縣接壤並在中京  
之北為今平泉州西北境方輿紀要謂勸農縣  
在大寧衛東南者亦未可為據

富庶縣

開泰二年  
析京民置

按清類天文分野書曰遼以其地沃壤置富庶

縣人多力田比屋豐富故以為名方輿紀要富  
庶縣在大寧衛東一統志原本亦同據元一統  
志富庶縣東北至金源元之富庶兼有文定升  
平歸化縣地知遼縣當在大定府之東北金源  
縣之西為今平泉州屬喀喇沁右翼旗東北境  
若九邊圖又謂縣在白狼山東白狼山在建昌縣屬喀喇沁左  
翼旗東三十里富庶縣本屬大定府不應遶出今建昌  
縣之東南境其說亦無據

文定縣

開泰二年  
析京民置

按遼文定縣至金即廢方輿紀要文定縣在大

寧衛東南

升平縣

開泰二年  
析京民置

按遼升平縣至金即廢方輿紀要文定縣南為

升平縣

歸化縣

按遼歸化縣至金即廢方輿紀要歸化縣亦在

大寧衛東文定升平歸化三縣俱當在今平泉

州東境

金源縣

開泰二年  
析京民置

按方輿紀要金源縣在大寧衛東一統志原本  
謂在喀喇沁右翼界九邊圖又謂縣在大青山  
西據元一統志金源縣東到興中州一百里西  
到大寧路二百里元興中州即遼興中府大寧  
路治即遼大定府知遼縣在大定府之東興中

府之西為今平泉州屬喀喇沁右翼旗最東境  
元一統志又謂金源縣東至興中州界青山嶺  
二十里興中州西至金源縣界青山嶺八十里  
青山嶺又稱青巒嶺考元元統三年興中州青  
巒嶺平治道塗碑見藝文門有鄰封金源之語知青  
巒嶺乃金源與興中東西交界處青巒嶺在朝陽縣屬土默  
將右翼旗西北一百蓋今建昌縣青巒嶺以西  
八十里屬建昌縣  
即平泉州東界為金源縣地正當中京之東武

經總要謂自中京東至營州界青山嶺一百七  
十里與此相合九邊圖謂金源在大青山西者  
亦即指青巖嶺也

神水縣

開泰二年置

按遼神水縣至金時改屬錦州一統志原本以  
神水故城列入錦州府錦縣下蓋據遼志神水

縣本漢徒河縣地並引元史穆瑚黎

舊作木華黎今改正

傳為証然考穆瑚黎取大定府時降將張致據

錦州以叛陷興中府穆瑚黎進兵臨興中先遣

烏葉爾

舊作吾也而今改正

攻溜石山又遣蒙古布哈

舊作

蒙古不花今改正

屯永德縣

即遼安德縣

東候賊來援斷其

歸路張致遣兵援溜石蒙古布哈引兵趨之並

馳報穆瑚黎夜半疾馳過於神水縣東夾擊之

遂拔開義縣進圍錦州當日張致之兵本從錦

州而西其交戰在神水而別屯永德以斷其歸

路則神水縣之在永德以西可知元一統志謂



溜石山在金源縣西南四十里來援溜石而必  
道經神水則神水縣之在金源縣東南可知舊  
錦州府志亦謂永德城西北去神水城五十餘  
里永德城在今朝陽縣屬土默特右翼旗界見後  
安德州條下則神水之在永德以西者亦當在朝陽  
縣境蓋大定府所屬之縣金源東南即為神水  
為府之最東南境

曾公亮武經總要中京舊鮮卑之地在饒樂府西

南本奚王國牙帳之地南距古北口北距潢水東

即營州千餘里皆其境土後為契丹所併築宮室

城垣建為中京號大定府東至營州

即興中府在今朝陽縣屬

土默特右翼旗境

界青山嶺一百七十里西即山後儒州

今宣化府定慶州

界東南至建州

在今建昌縣屬喀喇沁左翼旗境

二百

三十里南至幽州

今順天府

一路由松亭關一路由古

北口各九百里北至上京

今巴林旗

六百九十里

按此為中京所屬州縣之全境其能遠接山後

儒州界者蓋中京之西境為北安州自北安州  
以西為奚王府奚之故地本千有餘里並隸中  
京故約畧言之耳武經總要所紀諸州皆據契  
丹圖經皇華四達記諸書雖異域傳聞間有未  
確然其四至道里可備參考亦附列卷內若方  
輿紀要所載各州縣方位多係約畧之詞別無  
證據不盡取憑焉

遼史地理志恩州懷德軍

太宗建州開泰中以渤海戶實之初隸永興宮

後屬中京  
統縣一

恩化縣

開泰中以渤海人戶置

武經總要恩州本烏桓舊地南至中京六十里西

至馬盂山六十里西北至漫頭山三十里北至宜

坤州

遼史作儀坤州屬上京道

五十里西南至高州百二十里

按遼恩州至金即廢方輿紀要恩州城在大寧

衛西南與武經總要南至中京之文不合考金

史太祖紀天輔六年克高恩回紇三城進取中

京是恩州與高州相近亦當在中京之北為今  
平泉州喀喇沁右翼旗北境元一統志謂金天  
眷二年廢恩州為恩化鎮入大定縣其故城為  
傳舍蓋恩州本與大定縣接壤故金時以州省  
入耳至武經總要謂恩州北至宜坤州考恩州  
至中京僅六十里南近中京且高州尚跨恩州  
之北是恩州之地未必能直接上京道境所云  
北至宜坤州者誤

遼史地理志惠州惠和軍

太祖俘漢民數百戶免  
麟山下創城居之置州

屬中京  
統縣一

惠和縣

聖宗遷上京惠州民  
括諸宮院落帳戶置

武經總要惠州在鮮卑之地景德初契丹侵河北

德清軍失守俘虜人民於此置城居之城方二里

至低小城內有瓦舍倉廩人多漢服東至新州即武

安州百三十里西南至中京百二十里南至建州二

百三十里北至潢水石橋至高州百五十里遼高  
州在

惠州之西由惠州至高州不應至潢水石橋當是北至潢水石橋若干里西北至高州百五十里刊

本誤  
脫字

按遼之惠州與元之惠州非一地元惠州為遼

澤州地而遼惠州至金即廢方輿紀要惠和城

即惠  
州治

在大寧衛東北百里考兔嶺山在今赤峰

縣屬翁牛特左翼旗東北四十里惠州當與之

相近元一統志惠和縣東南到金源縣九十里

西南到本路一百五十里元之惠和即仍遼舊

知縣在大定府之東北金源縣之北為今建昌  
縣北教漢旗境今教漢西之博羅科廢城即惠  
州故城也元一統志謂惠和縣西至大寧縣界  
塗河今土河即塗河自喀喇沁右翼旗東北流入  
教漢西境知自土河以東為惠州地矣

遼史地理志武安州

太祖俘漢民居木葉山下因建城以遷之號杏塢新城復

以遼西戶益之更曰新州統和八年改今名屬中京統縣一

沃野縣



武經總要新州本契丹國之地東至徽州二百里  
西至惠州百三十里南至霸州百里北至永州三  
百七十里

按清類天文分野書曰遼太祖俘漢民散居以  
其地不可耕殖因建城池以遷之方輿紀要武

安州城在大寧衛東北二百里一統志原本武

平廢縣

金武平縣即遼沃  
野縣為武安州治

在故大寧城北然惠

州已在大寧東北武安州治更在惠州之東不

得但云在大寧北也至於木葉山乃遼始祖廟  
所在當土河與潢河二水合流之處為遼之永  
州今喀爾喀左翼旗地在奈曼旗東北境外遼  
志既稱建新城為新州以別於永州之舊城則  
武安州自當在永州以南元一統志武平縣南  
至興中州西至惠和縣元之武平縣即遼武安  
州知州治當在惠和縣之東興中府之北為今  
朝陽縣屬奈曼旗境

遼史地理志利州

本中京阜俗縣統和二十六年置州屬中京統縣一

阜俗縣

唐末契丹漸熾役使奚人遷居琵琶川統和四年置縣初隸彰德宮更隸中京後置

州仍屬

中京

武經總要利州承天后所建東至建州百二十里

東北至建州百一十里西南至蘭州

遼志中京道諸州中無蘭

州之名惟金志利州龍山縣下有蘭州寨考遼之州縣至金時廢為鎮寨名者甚多當是遼本置有

蘭州金廢為蘭州寨遼志失載六十里南小淩河路至平州五十

里西北至中京百五十里

按方輿紀要利州城在大寧衛東南一統志原本謂在喀喇沁左翼東北二十五里近寧遠州邊外塔西有三塔土人亦名古爾班蘇巴爾罕城據元一統志利州南至龍山縣北至富庶縣西至和衆縣知在富庶縣之南龍山縣之北和衆縣之東當大定府東南境又考元至元二十四年利州長壽山玉京觀地產碑

詳見古蹟及藝文門長

壽山在今建昌縣南境

詳見山門則利州故城當在

今建昌縣南境縣治東北七十里土人稱為大  
城子亦名小三座塔正當中京之東南在喀喇  
沁左翼旗北百里所稱左翼東北二十五里者  
誤也

又按遼志以利州為統和二十六年置金志及  
元一統志皆以為統和十六年又元一統志載  
利州軍名曰永昌開泰元年置領阜俗縣遼史  
未詳

遼史地理志潭州廣潤軍

本中京之龍山縣開泰中置州仍屬中京統縣

一

龍山縣

開泰二年以習家寨置

按潭州龍山縣之里至武經總要未詳方輿紀

要潭州城在大寧衛東一統志原本龍山故城

即潭州治在喀喇沁左翼西南八里大凌河之旁距

故利州約六十里俗呼喀喇城元一統志龍山

縣東北至利州西北至和衆縣知在利州之西

南和衆縣之東南與喀喇沁左翼西南八里之  
說相合元一統志又謂南至撫寧縣界冷口西  
南至遷安縣則自今永平府冷口邊牆以外建  
昌縣南境為龍山縣地也

遼史地理志榆州高平軍

太宗南征橫帳解里以  
所俘鎮州民置州開泰

中沒入屬中  
京統縣二

和衆縣

永和縣

統和二十  
二年置

武經總要榆州隋臨榆宮之地北控營平歷代置  
戍守契丹置州西北至中京百七十里西至招延

州

招延州一作招  
遙州遼史未載

四十里

按方輿紀要和衆城

即榆  
州治

在大寧衛東一統志

原本謂在故大寧城東南元一統志和衆縣東

至利州東南到龍山知在龍山縣之西北利州

之西今建昌縣治西北二十五里地名小城子

與大城子之為利州故城東西相直即為和衆



故城其西北接平泉州屬喀喇沁右翼旗界正  
當中京之東南若九邊圖謂縣在白狼山北者  
其說無據又考遼榆州領縣凡二和衆縣即為  
州治其永和縣至金即廢方輿紀要謂在榆州  
西南其故址亦無可考

遼史地理志澤州廣濟軍

太祖俘蔚州民立寨居之採煉陷河銀冶隸中

京留守司開泰中置澤州有松亭關神山  
九宮嶺石子嶺深河撒河屬中京統縣二

神山縣

神山在  
西南

灤河縣

屬永興宮

武經總要澤州松亭關北遼澤之地東至利州百里北至中京百里西至北安州二百里南至平州二百五十里西南至松亭關二百五十里

按遼澤州治神山縣縣以山名遼志謂山在縣西南考神山在今平泉州治北當時縣治又在神山東北近倚州治是遼澤州城當在今平泉州治北喀喇沁札薩克公旗界自是以南至邊

城外皆為神山縣地其州屬西南之境所屆頗遠金史太祖紀既取中京遂下澤州旋降北安州是中京之南即澤州澤州之西即北安州今平泉州屬南境及承德府東南境皆澤州地也灤河縣以河得名灤河逕承德府治南沿平泉州治西境入潘家口其澤州境內之撒河由平泉州治西南境入龍井關會灤河知今承德府治東南平泉州治西南至邊城以外為灤河縣

境

遼史地理志高州

開泰中聖宗伐高麗以俘戶置高州有平頂山樂河屬中京統

一縣

三韓縣

辰韓為扶餘并韓為新羅馬韓為高麗開泰中聖宗伐高麗俘三地之遺人置縣戶

二千

按三韓之名始見於後漢書稱其有七十八國  
若高州所屬之縣乃因三韓遷戶而置故取以  
為名非即三韓故地

武經總要高州契丹收新羅諸國俘虜人民置州以居之仍置倚郭一縣以三韓為名南至中京百四十里東南至恩州五十里西北至饒州六十里按方輿紀要高州城在大寧衛北二百里一統志原本謂在故大寧城西北據元一統志高州南至大定縣西至松山州元之高州仍遼舊知在大定府之北松山州之東元一統志入稱東南到惠和縣惠和北至高州是高州東北境跨

越惠州惠和縣之北在今赤峰縣南境迤東至

建昌縣最北境皆高州地又考遼志高州有樂

河

即饒樂水

即今之英金河在今赤峯縣屬翁牛特

境又元一統志塗河自大寧縣流至東北入高

州金王景先集賢洞碑記謂高州南壓塗河今

土河

即塗河

自喀喇沁右翼旗東北流逕翁牛特

左翼旗之南境敖漢旗之西北境曾英金河知

今翁牛特境敖漢西北境英金河之旁喀喇沁

土河以北皆高州地也

遼史地理志松江

當作松山

州勝安軍

開泰中置統和八年省復置屬

中京統  
縣一

松江

當作松山縣

地邊松漢商賈會衝開泰二年置縣有松山川

按松江州遼史聖宗紀作松山州金元史地理

志並稱遼置松山州遼志作松江者蓋字譌至

遼聖宗開泰年號本在統和之後而志云開泰

中置統和八年省其叙次顛倒失實遼志統和

八年七月省州及縣以其民分隸他郡開泰二  
年二月詔以松山州為松山縣是遼初已先置  
有松山州統和時併省至開泰時復置也松山  
州松山縣之里至武經總要未詳方輿紀要松  
州城在大寧衛西北一統志原本亦同松山州  
至金時曾降為縣改隸高州必與高州相接元  
一統志松州東至高州西至興州元松州即遼  
松山州知在高州之西興州之東為今赤峰縣



屬翁牛特右翼旗境正當中京之西北元一統志又謂松州東南二十里有遮蓋山考遮蓋山

在今翁牛特右翼南三十里松山州當在其北

遼史地理志北安州興安軍

唐為奚王府西省地聖宗以漢戶置北安

州屬中京統縣一

利民縣

武經總要北安州後魏置安州築城在幽州之北正當松漠之地今建為北安州墨斛嶺牛山會仙

石柳河皆在其境東北至中京二百五十里西南至古北口二百八十里南至幽州二百五十里

按金志興州本遼北安州興化軍興化縣又有利民縣永安五年以利民寨升泰和四年廢蓋以興化為遼之舊縣而以利民為金所增置遼志有利民縣而無興化縣與金志不合考遼北安州治利民縣據武經總要在古北口東北二百八十里金興州治興化縣在古北口東北一

百四十里遼北安州即後魏之安州其故城即

今博洛河屯

詳見前卷三北  
魏安州條下

在豐寧縣境金興

州即元之大興州其故城即今喀喇河屯在灤

平縣境是金之興州特改置於北安州之南境

利民自為遼縣興化自為金縣一統志原本曰

遼置利民縣金初廢為寨承安五年建興州復

置利民縣屬焉泰和四年又廢是利民縣至金

時復置而旋廢與興州所治之興化縣本屬兩

地以興化為遼置而轉以利民為金置者乃金志之誤

又按遼北安州疆域頗廣金初用兵自克東京上京至進取中京史載攻下郡縣不一及宗翰

破北安州後與都統杲會於奚王嶺分道追遼

主於鴛鴦灤

鴛鴦灤在今宣化府張家口外牧廠境內為金時撫州集寧縣地亦

名集寧海子

中間數百里別無攻圍郡縣之事知今

承德府西境及豐寧縣灤平縣之東境皆北安

州地也至遼志於北安州下稱晉為馮跋所據  
馮跋即北燕主考承德府全境地前燕後燕及  
北燕皆有之豈止馮跋一人即馮跋所據者無  
有承德府屬之境亦不止北安一州遼志所列  
沿革未可徵信大率類此

又按遼時有六奚部以奚王府領之北安州雖  
即在奚地然史稱遼聖宗以漢戶置州則奚部  
自非其所屬蓋北安州治以刺史而奚部統以

奚王奚之故地尚寬凡北安州附近之境並當

為奚部地考遼史營衛志奚初為五部曰約囉

舊作遙里  
今改正

部曰巴爾達

舊作伯德  
今改正

部曰敕拉

舊作

與里今  
改正

部曰美嘉

舊作梅只  
今改正

部曰綽羅

舊作楚里今改

正 部太祖盡降之天贊時增置多科

舊作墮琨  
今改正

部遂號六奚部命巴掄

舊作勃里  
思今改正

主之仍號奚

王聖宗合敕拉美嘉多科三部為一特置南尅

部北尅部以足六部之數其所居地之可考者

約羅部居潭利二州間巴爾達部居松山州平  
州之間緯羅部居潭州北敖拉部美嘉部多科  
部合為一部及分置之南尅部北尅部遼史未

詳其所居之地然奚之舊地既在北安州則諸

部亦當附居其地又有薩拉噶舊作撒里葛今改正部伊

克舊作窩瓜今改正部努延舊作耨盪今改正部皆以降奚置

部設節度使領之分居澤州之東潭州之南復

有鄂博庫舊作訛僕拈今改正部與薩拉噶等三部同居

望雲縣東蓋遼時望雲縣以東即與北安州相

接中間並無郡縣

遼北安州為今承德府本境及滦平縣豐寧縣之東境地

遼望雲縣為今宣化府赤城縣地中間相距之處為今滦平縣豐寧縣之西境及獨石口廳地

而北安一州又不應如是遼濶知今滦平縣豐

寧縣之西境皆奚部散居之地金天輔六年宗

翰等敗奚王什默

舊作霞末今改正

而北安州遂降可

知奚王之即在此安州境也

又按武經總要所列契丹諸州於北安州下尚



有招延州

一作招遙州

以渤海部落居之東小凌河

南至潤州北至澤州西南至幽州四百五十里

當在今建昌縣南境遼志不載此州名故附識於此

遼史地理志興中府本霸州彰武軍慕容皝以柳城之北龍山之南福德之地乃築龍城構宮廟改柳城為龍城縣遂遷都號和龍宮慕容垂復居焉後為馮跋所滅元魏取為遼西郡隋平高保寧置

營州煬帝廢州置柳城郡唐武德初改營州總管  
府尋為都督府萬歲通天中陷李萬榮神龍初移  
府幽州開元四年復治柳城八年西徙漁陽十年  
還柳城後為奚所據太祖平奚及俘燕民將建城  
命韓知方擇其處乃完葺柳城號霸州彰武軍節  
度統和中制置建霸宜錦白川等五州尋落制置  
隸積慶宮後屬興聖宮重熙十年升興中府有大  
華山小華山香高山麝香崖天授皇帝刻石在焉

駐龍峪神射泉小靈河

即小凌河

統州二

在今境之州一縣四

按遼興中府為慕容燕故都所在今朝陽縣南境也遼志稱慕容皝築龍城慕容垂復居焉考慕容垂復國本都中山至其子慕容寶始遷龍城非慕容垂也志又稱後為馮跋所滅高雲滅慕容氏馮跋實代高雲亦非跋滅慕容氏也又稱後魏取為遼西郡後魏所設者本名昌黎郡至隋始改置遼西郡皆遼志之誤

興中縣

太祖掠漢民居此建霸城縣重熙中置府更名

營邱縣

析霸城置

象雷縣

開泰二年以麥務川置縣中京後屬

閭山縣

開泰二年以羅家軍置隸中京後屬

按方輿紀要象雷廢縣閭山廢縣皆在營州

遼即

興中府

西今朝陽縣西南境也遼中京在興中府

之西二縣先隸中京而後屬興中故知居中京

興中府之間也

武經總要興中府東至遼河三百里西至中京三百里西南至建州六十里北至潢水四百里舊契丹界西北至松陁嶺百里舊奚界東南至安東都護府二百七十里東北至白川州七十里

按方輿紀要營州故城

即興中府

在大寧衛東三百

里一統志原本興中故城在土默特右翼西百里錦州府西北邊外大凌河之北蓋即今之朝陽縣治舊名三座塔城蒙古稱為古爾班蘇巴

爾罕城

遼史地理志安德州化平軍

以霸州安德縣置來屬統縣一

安德縣

統和八年析霸州東南龍山徒河境戶置初隸乾州更屬霸州置州來屬

按安德州安德縣之里至武經總要未詳一統

志原本永德廢縣

金永德縣即遼安德縣為安德州治

西北去神

水縣城五十餘里東北去興中府城百里今據

遼乾統八年有安德州靈巖寺碑

詳見古蹟及藝文門靈

巖寺在今朝陽縣東南柏山上

詳見山門則安德州

故城當在今朝陽縣東南柏山之麓為土默特  
右翼旗南境實興中府之東南也遼志以安德  
縣為析霸城東南戶置霸城即興中府又金志  
稱永德縣

即安  
德縣

北有凌河與此方位並合

又按遼興中府所屬尚有黔州統盛吉一縣方  
輿紀要黔州城在營州南考武經總要謂白川

州東至黔州七十里黔州東至顯州

今錦州府  
廣寧縣

五十里東北至望海峯五十里是黔州尚在川

州之東為今錦州府界故不列入

遼史地理志川州長寧軍太祖弟明王按圖

舊作安端

今改正

置會同三年詔為白川州按圖子察罕

舊作察剗

今改正

以大逆誅沒入省曰川州初隸崇德宮統和

中屬文忠王府統縣三

宏理縣

統和八年以諸宮提轄司戶置

咸康縣

宜民縣

統和中置



武經總要白川州東至黔州七十里西至中京四百三十里東南至宜州百里西南至霸州七十里

按方輿紀要川州有東西二城東川州遼所置

西南至義州衛一百五十里西川州金所置南

至義州衛九十里蓋遼與金各自有川州武經

總要川州西南至霸州

即興中城

七十里此遼之川

州也元一統志川州南至興中州一百八十里

此金之川州也一統志原本川州城

此即指遼之川州

在土默特右翼東北一百五里蒙古名卓索喀喇城今朝陽縣治東北六十七里地名四角坂有廢城中有遼開泰二年石幢詳見古蹟門為白川州官吏所建知即遼川州故城也且此城當興中故城東北亦與武經總要西南至霸州七十里之文相合今朝陽縣屬土默特右翼旗東北接土默特左翼旗境皆川州地也

又按遼川州共領三縣遼志先宏理而後咸康

宜民元一統志載遼川州所領則先咸康而後  
宜民宏理清類天文分野書亦稱遼川州領咸  
康等三縣今據遼開泰二年石幢列銜有長寧  
軍節度白川州刺史及白川州咸康縣令知咸  
康縣為遼川州所治而宜民與宏理乃其屬縣  
元一統志又謂遼後省宏理入宜民若宏理為  
川州倚郭之縣必不以之省入宜民矣以宏理  
為川州首縣者乃遼志之誤也宏理縣之併於

宜民遼史亦未詳

遼史地理志建州保靜軍太祖置州漢乾祐元年  
故石晉太后詣世宗求於漢城側耕墾自贍許於  
建州南四十里給地五十頃營構房室創立宗廟  
州在靈河之南屢遭水害聖宗遷於河北初屬武  
寧軍隸永興宮後屬敦睦宮統縣二

永霸縣

永康縣

武經總要建州東南至器仗山三十里東北至霸  
州九十里南至渝州當作榆州五十里西南至小凌河  
十里

按方輿紀要建州城在大寧衛東南四百餘里  
止約畧之詞考建州本有二城遼太祖初置之  
建州在大凌河之南小凌河之北正當興中城  
之南遼聖宗移置之建州在大凌河之北正當  
興中城之西武經總要謂建州東北至霸

即興中城

西南至小凌河一統志原本謂建州故城在土  
默特右翼西南一百二十里皆指初置之建州  
而言即今朝陽縣治南之五十家子廢城是也  
若移置之建州據元一統志當在興中城之西  
為今朝陽縣屬土默特右翼旗西一百七十里  
之喀喇城一統志原本以為亦遼金時州而無  
考者實即建州城也

遼史地理志來州歸德軍

故城在今  
寧遠州

統州三縣一

蕪得今境  
之州一

按遼來州即元瑞州本在今錦州府西南界據  
武經總要來州北至建州三百五十里元一統  
志瑞州北至利州界栲栳山一百五十里到利  
州三百五十里西北到龍山縣二百八十里故  
知蕪得建昌縣東南境

隰州平海

今志作海平

軍

慕容皝置集寧縣聖宗括帳戶遷信州大雪不能進建城

於此置馬棘興聖宮來屬統縣一

海濱縣

本東京城內渤海民戶因叛移於此

按遼志以隰州平海軍領海陽縣潤州海陽軍  
領海濱縣金志則謂遼隰州領海濱縣潤州領  
海陽縣與遼志互異考潤州軍名海陽與海陽  
縣名相合則海濱縣當屬隰州矣元一統志亦  
謂遼隰州治海濱縣今從之考隰州海濱縣至  
金廢隰州以縣屬來州後改來州為宗州復改  
為瑞州所屬縣如故元廢縣為海濱鄉今建昌



縣東南一百八十里瑞雲山中

在喀喇沁左翼旗南七十里

有元至正七年大寧路瑞州海濱鄉周家莊雲

谿觀碑

詳見藝文門

知建昌縣屬喀喇沁左翼旗之

東南境為遼海濱縣地

又按遼志以隰州為慕容皝所置集寧縣考十

六國春秋及晉書載記無集寧縣之名惟前燕

錄載慕容皝十四年以河間郡晉書作河間人為寧集

縣蓋即河間郡之流人置縣以居之遼志之集

寧疑即寧集之謠

遼史地理志宜州崇義軍

故城在今義州

統縣二

無得今境之縣

一

宏政縣

世宗以定州俘戶置

按遼宜州即金元義州本在今錦州府北界據

武經總要宜州西至霸州二百里北至川州元

一統志義州西至興中州界蛤蜊山九十里到

興中州一百八十里西北到川州一百八十里

故知無得朝陽縣境今朝陽縣治東北一百九  
十里之台頭溝有金皇統八年宜州廳峪口院  
碑詳見藝文門知朝陽縣屬土默特右翼旗東北接  
土默特左翼旗南境亦宜州地考遼宜州治宏  
政縣而別領開義縣然開義縣尚在今義州南  
非朝陽縣境所及其無得今縣境者乃宏政縣  
地也

又按以上惟安德州隸於興中府其川建來宜

四州皆直隸於中京

遼史地理志徽州宣德軍景宗女秦晉大長公主  
所建媵臣萬戶在宜州之北二百里

遼史地理志成州長慶軍聖宗女晉國長公主以  
上賜媵臣戶置在宜州北一百六十里成州興府  
軍節度統縣一

同昌縣

按徽成二州遼志載入上京道頭下軍州內遼

時諸王外戚大臣從征俘掠生口各建州縣以  
居之橫帳諸王國舅公主許創立州城朝廷賜  
州縣額其節度使朝廷命之刺史以下皆以本  
主部曲充焉所謂頭下軍州也二州皆居宜州  
之北當在今朝陽縣屬土默特左翼旗境其成  
州後由上京改隸中京故遼志互收入中京道  
下

遼史地理志饒州匡義軍

屬上京道

有潢河長水濠青

山大福山松山隸延慶宮統縣二

長樂縣

本遼城縣民太祖伐渤海遷其民建縣居之

臨河縣

本豐永縣民太宗分兵伐渤海遷於潢水之曲

安民縣

太宗以渤海諸邑所俘群置

按宋薛映記度潢水石橋旁有饒州富弼行程錄中京北四百八十里至潢水石橋武經總要

饒州南至中京五百里遼志饒州有潢河方輿

紀要廢饒州在臨潢

遼上京臨潢府在今翁牛特北巴林旗界西南

二百三十里一統志原本謂在翁牛特右翼界  
內考潢河自克什克騰流經赤峰縣屬翁牛特  
左翼旗界如今翁牛特北境潢河之北當為遼  
饒州地饒州治長樂縣而別領臨河安民二縣  
其方位道里無可考

遼史地理志上京臨潢府謂之龍眉宮神冊三年  
城之名曰皇都天顯十三年更名上京府曰臨潢  
統縣十

按遼上京在中京之北臨潢府有黑河潢河一  
統志原本黑河在今巴林北一百十里潢河為  
大遼水之西源蒙古名西喇穆倫西流入巴林  
界又東經阿祿科爾沁南入翁牛特北境今赤  
峯縣北為翁牛特旗又北為巴林旗臨潢府居  
潢水北有黑河今巴林二旗為遼上京臨潢府  
地也遼志謂本漢遼東郡西安平之地新莽曰  
北安平考漢遼東郡亦在長城以內若今赤峰



縣北之巴林二旗漢初當為匈奴左地武帝時  
為塞地後入烏桓其云即遼東郡地者亦殊未  
之考矣

臨潢縣

太祖天贊初攻燕薊以所俘  
人戶散居潢水之北故以名

按臨潢縣近附府治居潢水北上京道屬之饒  
州

今赤峯縣北  
翁牛特旗地

亦有潢河知臨潢縣南與饒州

接壤也

定霸縣

太祖下扶餘遷其人於京西與漢人雜居  
統和八年以諸官提轄司人戶置隸長寧

宮

保和縣

太祖破龍州盡徙富利縣人散居京南統和八年以諸宮提轄司人戶置隸彰德宮

潞縣

天贊元年太祖破薊州掠潞縣民布於京東與渤海人謀處隸崇德宮

宣化縣

太祖破鴨綠府盡徙其民居之京南統和八年以諸宮提轄司人戶置隸彰德宮

按定霸以下諸縣皆以俘降人戶徙置京之東

西南境保和宣化居南潞縣居東定霸居西皆

附近京邑應在潢河黑河左右今赤峰縣北巴

林左右翼兩旗境內

欽定熱河志卷六十

欽定四庫全書


欽定熱河志卷六十一

建置沿革七

金



# 建置沿革圖十金



金

金為北京路大定府利州兼得義州瑞州地興中府建州全州興州兼得臨潢府地及西京路桓州地

今承德府本境西為興州之興化縣地東境為大定府之神山縣地灤平縣為興州興化縣宜興縣豐寧縣南境為興化縣宜興縣地西北境兼得西京路桓州地平泉州為大定府大定縣長興縣富

庶縣金源縣神山縣赤峯縣為大定府之三韓縣  
松山縣靜封縣全州安豐縣兼得臨潢府之臨潢  
縣盧川縣建昌縣南境為利州阜俗縣龍山縣西  
南境為大定府之和衆縣東南境兼得瑞州之海  
濱縣地北境為大定府之惠和縣兼得三韓縣地  
朝陽縣為興中府興中縣承德縣宜民縣南境為  
建州永霸縣東境兼得義州宏政縣同昌縣西北  
境為大定府之武平縣地



金史地理志大定府北京留守司遼統和二十五年建為中京國初因稱之海陵貞元元年更為北京置留守司都轉運司警巡院縣十一鎮二

按金初之北京即遼之上京

今赤峯縣北巴林旗地

熙宗

天眷元年八月以遼上京為北京是也至海陵天德二年改為臨潢府其時大定府尚稱中京至貞元元年三月始改中京為北京大定府治即今平泉州治也

大定

倚遼縣舊名有土河七金山陰涼河鎮一思化

按大定縣之思化鎮即遼之思州思化縣元一統志謂廢於金天眷二年金史未詳是金大定縣兼有遼恩州地今自平泉州治至州北境皆大定縣地也

長興

有塗河

按元一統志金廢勸農縣析其地屬長興金史未詳是金長興縣兼有遼勸農縣地今平泉州

西北境皆長興縣地也

富庶

有沁河鎮  
一大安

按遼文定升平歸化三縣至金皆廢此富庶縣  
之文安鎮當即遼時置縣之地縣在今平泉州  
東北境兼有遼時文定升平歸化三縣地

金源

遼開泰二年置以地有  
金甸為名有駱駝山

按金源縣仍遼舊為平泉州最西北境

惠和

皇統三年以遼  
惠州惠和縣置

按遼惠和縣領於惠州元一統志謂金天輔五年罷州金史未詳考惠和本為遼縣而金史謂皇統三年置者當是先廢於天輔五年而復置於皇統三年也在今建昌縣北境

武平

遼築城杏瑁初名新州統和間更為武安州皇統三年降為武安縣來屬大定七年更名

承安三年隸高州  
泰和四年復來

按金武平縣即遼武安州沃野縣地在今朝陽縣西北境特初名武安縣後改武平初隸高州

後改隸大定府耳

和衆

遼榆州和衆縣皇統三年罷州來屬

按縣在今建昌縣南境之西北本與平泉州接壤故罷榆州後即西屬於大定府也

神山

遼澤州神山縣遼太祖俘蔚州之民置章宗承安二年嘗置惠州升孩兒館為灤陽縣以

隸之泰和四年  
罷州及灤陽縣

按遼神山縣領於澤州元一統志謂金天輔元年罷州金史未詳又考遼澤州領神山灤河二

縣金之神山縣本仍遼舊在今承德府南境其  
灤陽一縣乃升孩兒館置疑即為灤河縣故地  
在今灤平縣東南境也

三韓

遼伐高麗遷馬韓辰韓并韓三國民為縣置高州太祖天輔七年以高州置節度使皇統

三年廢為縣承安三年復升為高州置刺史為全州支郡分武平松山靜封三縣隸焉泰和四年廢有落馬河

按三韓為遼舊縣在今赤峯縣南境金志於大  
定縣下注有土河於長興縣三韓縣下別注有

塗河似以土河塗河為二水今以元一統志所

載塗河之源流方位考之

元一統志內有塗河無土河

知塗

河即土河今亦稱老河其實一水也又元一統志稱高州東至武平縣東南至惠和縣武平在今朝陽縣西北境惠和在今建昌縣北境金廢高州存三韓縣知縣境跨今建昌縣北境在惠和縣之北故能東與武平縣接壤承安三年復升為州時得分武平以隸之也

松山

遼松山州勝安軍松山縣開泰中置舊置刺史太祖天輔七年置觀察使皇統三年廢州

來屬承安三年隸高州太和

四年復有陰涼河落馬河

靜封

承安二年以胡設務置隸全州三年隸高州泰和四年來屬

按金大定府所屬諸縣多為遼之舊縣惟靜封

縣乃金所新設靜封初屬全州又屬高州當在

全州之南大定府之北元一統志作靜豐謂靜

豐廢城在松州東五十里是松山靜封境界毗

連為今赤峯縣屬翁牛特旗境



利州遼統和十六年置縣二鎮一寨一

阜俗

遼統和四年置今因之

龍山

遼故潭州廣潤軍縣故名熙宗皇統三年廢州來屬有榆河寨一蘭州鎮一漆河

按龍山在今建昌縣西南境本東北與阜俗接壤故金廢潭州後即近屬利州也

興州寧朔軍本遼北安州興化軍興化縣承安五年升為興州置節度軍名寧朔改利民寨為利民

縣撥穆爾堅河

舊名梅堅河今改正

圖們必罕

舊作徒門必罕今改正

寧江蘇瑪拉

舊作寧江速馬刺今改正

三明安

舊作猛安今改正

隸焉

貞祐二年四月僑置於密雲縣縣二

按金興州以遼北安州地改置遼北安州有利

民縣無興化縣

詳見前卷北安州條下

遼利民縣至金即

廢金之興州在遼北安州南境今灤平縣地非

即遼之故城也

興化

倚遼舊縣皇統三年降興化軍置隸大定府承安五年建興州於縣為倚郭舊有白檀鎮

按金興化縣為興州治故城即今喀喇河屯

在今

灤平縣治西  
南一里餘

其東即承德府南境亦興州地也

宜興

本興化縣白檀鎮泰和三年升為縣來屬

按金之白檀鎮與漢白檀縣異漢白檀自在邊

內特取名偶同猶密雲戌之非即密雲縣也宜

興故城在灤平縣西北七十五里地名小城子

其南與古北口相直又金時興州之西即接桓

州

桓州故城在今多倫諾爾廳境開平衛故城之西南

別屬西京道今豐

寧縣南境尚屬興州地其西北境兼得桓州地

興中府本唐營州城遼太祖遷漢民以實之曰霸州彰武軍重熙十一年升為府更今名金因之縣

四鎮三

在今境之縣三其興城一縣本遼嚴州之屬縣在今錦州府界

興中

南有凌河鎮一縣城

按興中縣之黔城鎮當即遼之黔州蓋廢於金初又考遼興中府領興中營卽象雷間山四縣元一統志謂金省二縣惟存興中營卽尋又更營卽為洪寧縣知金所省者惟象雷間山尚有

洪寧縣金史未詳是金興中縣實兼有遼黔州  
及象雷間山二縣之境今朝陽縣西南境皆興

中縣地

永德

遼安德州化平軍安德縣世宗大定七年更名北有凌河鎮一阜安

按永德即遼安德縣在今朝陽縣東南境遼安  
德縣本屬德安州金大定中改名永德時當即  
廢州而後來屬於興中府也金史不言州廢乃  
記載之疎

宜民

遼川州長寧軍會同中嘗名白川州天祿五

年去白字國初因之與同昌縣皆隸焉大定六年降為宜民縣懿州承安二年復置川州改

遼川縣來屬鎮一咸康

遼縣也國初廢為鎮

按遼史太宗紀會同三年八月戊申以安端私

城為白川州乙卯置白川州官屬其後去白字

但稱川州金志謂在遼天祿五年元一統志亦

同然考遼聖宗統和八年七月置白川州宏理

縣又遼開泰二年石幢猶稱白川州並在遼世

宗天祿之後知天祿五年尚未改稱川州也遼紀載開泰七年四月賑川饒二州饑知白川州之改為川州當在開泰二年之後七年前金志以為天祿五年者誤又按元一統志金天眷二年川州屬懿州三年廢咸康為鎮入宜民大定初州廢隸咸平府承安二年復置川州治宜民縣仍升徽川寨為徽川縣以隸之復割屬懿州惟存宜民縣蓋遼之宜民縣及宏理縣皆屬

於川州而川州自治咸康縣至遼末廢宏理縣  
金初廢咸康縣惟存宜民一縣永安時改置川  
州即治宜民縣雖同在今朝陽縣境而金之川  
州與遼異治至廢州之後宜民一縣實兼有遼  
時咸康宏理二縣地

建州保靖軍遼初名軍曰武寧後更金因之縣一  
永霸

按遼建州領永霸永康二縣金志惟載永霸縣



知永康縣為當時併省是今朝陽縣南境皆永  
霸縣地元一統志則謂金併省後復置一縣曰

建平與金史互異

瑞州歸德軍縣三鎮一

兼得今境  
之縣一

海濱

本慕容皝集寧縣地遼隰州海  
平軍故縣皇統三年廢州來屬

按金瑞州即遼隰州其故地為今寧遠州不屬

熱河境惟海濱一縣在今建昌縣東南境又東

接寧遠州界

義州崇義軍縣三鎮一

兼得今境之縣二

宏政

有凌河

同昌

遼成州興府軍縣故名國初隸川州大定六年罷川州隸懿州永安二年復隸川州泰和四

年來

屬

按金義州即遼宜州其故城在今錦州府屬之

義州不隸熱河境惟宏政同昌二縣在今朝陽

縣東北境宏政為遼宜州屬縣同昌為遼成州

屬縣遼志成州互見於上京中京道初隸上京

道時無屬縣後改隸中京始置同昌縣金因之而改隸義州耳

全州盤安軍節度使承安二年置改胡設務為靖

封縣黑河鋪為盧川縣撥北京三韓賚呼

舊對音烈虎今

改正等五明安以隸焉貞祐二年四月嘗僞置於薊

州縣一安豐

承元元年十月改豐州鋪為安豐縣隸臨潢府三年置全州盤安軍節度

使治有潢河黑河

按三韓縣在赤峯縣境

見本卷大定府條下

靖封盧川二

縣舊與三韓縣同隸全州知其境界毗接靖封  
即靜封後改隸大定府知其居南盧川改隸臨  
潢知其近北均在今赤峯縣境而安豐縣下亦  
注有黃河里河是全州故境當在今赤峯縣北  
巴林旗地也

臨潢府總管府地名西樓遼為上京國初因稱之  
天眷元年改為北京天德二年改為臨潢府路大  
定後罷路併入大定府路貞祐二年四月嘗僞置

於平州縣五

在今境之縣二

臨潢

倚有金粟河

盧川

永安二年以黑河鋪升隸全州後復來屬有潢河

按金之臨潢府臨潢縣皆仍遼舊為今赤峯縣北巴林旗地其盧川縣以黑河鋪升復有潢河亦當在今巴林旗北境

欽定熱河志卷六十一

欽定四庫全書

欽定熱河志卷六十二

建置沿革八

元







元

元為大寧路大定縣富庶縣金源縣惠和縣武平縣和衆縣龍山縣利州惠州高州興中州川州建州地上都路興州松州兼得開平府地及全寧路魯王分地

今承德府西境為上都路興州之興安縣宜興縣地東境兼得大寧路惠州地灤平縣為興州興安縣宜興縣豐寧縣為興安縣宜興縣地西北境兼

得開平府之開平縣地平泉州為大寧路之大定  
縣富庶縣金源縣惠州亦率縣為大寧路之高州  
上都路之松州北境為全寧路全寧縣及魯王分  
地建昌縣為大寧路之和衆縣龍山縣利州北境  
為惠和縣南境兼得惠州地東南境兼得瑞州地  
朝陽縣為興中州建州川州東境兼得義州及懿  
州地西北境為大寧路之武平縣兼得魯王分地  
元史地理志大寧路本奚部唐初其地屬營州貞

觀中奚酋可度內附乃置饒樂郡遼為中京大定

府金因之元初為北京路總管府領興中府及義

瑞興利錦利惠川建和十州中統三年割興州及

松山縣屬上都路至元五年併和州入利州為永

和鄉七年興中府降為州仍隸北京改北京為大

寧二十二年

元一統志作二十四年

改為武平路後復為大

寧

元一統志作二十九年九月改為大寧路

領縣七州九

在今境之州六

元一統志大寧路西南至大都九百里西北至上

都九百里東至懿州界驛安站六百里西至上都  
路界難嶺一百五十里南至平灤路界叢峯嶺三  
百五十里北至上都路界青陽嶺二百里東到懿  
州七百里西到興州三百五十里南到遷安縣四  
百二十里北到松州二百二十里東南到撫寧縣  
七百里東北到古慶州

遼置慶州屬上京道今屬  
北京路在臨潢府西一百

六十里元時州廢  
故稱為古慶州

九百里西南到遵化縣六百三

十里西北到上都路九百里

按元時大寧路所領之錦州今屬

盛京其瑞州所屬兼得今境之海濱縣義州所屬兼  
得今境之宏政縣元時俱經併省又舊屬義州  
之同昌縣亦省入遼陽路之懿州故諸縣名均  
不復列

元史地理志大定

中統二年省  
長興入焉

元一統志大寧縣西南至大都九百里西北至上  
都九百里東至金源縣界全道站九千里西至興

州界雞嶺一百五十里南至和衆縣界車家嶺五十里北至高州界細河一百五十里東至金源縣二百里西至興州三百五十里南到和衆縣九十里北到高州二百二十里東南到富庶縣一百五十里東北到惠和縣一百五十里西南到惠州二百二十里西北到松州二百二十里

按元大定縣兼有今長興縣地元一統志謂至元二十九年改爲大寧縣金史未詳

元史地理志富庶

至元三年省入  
典中府後復置

金源

元一統志富庶縣西南至大都一千一百里西北  
至上都一千里東至建州界弓子嶺十五里西至  
大寧路界乾澗廟兒嶺一百三十里南至利州界  
南港嶺五十里北至金源縣界滑河堠子嶺六十  
里東到建州七十里西到本路一百五十里南到  
利州七十里北到惠和縣一百八十里東南到錦  
州三百五十里東北到金源縣一百二十里西南



到和衆縣一百二十里西北到本路一百五十里  
金源縣西南至大都一千一百里西北至上都九  
百里東至興中州界青山嶺二十里西至大寧縣  
界全道站一百十里南至建州界隆興寺四十里  
北至武平縣界偏道子嶺七十里東到興中州一  
百里西到本路二百里南到建州九十里北到武  
平縣一百五十里東南到錦州二百七十里東北  
到高州一百五十里西南到富庶縣一百七十里

西北到惠和縣九十里

按元富庶縣金源縣仍金舊大寧富庶金源二縣俱屬今平泉州北境

元史地理志惠和

元一統志惠和縣西南至大都一千五十里西北至上都八百里東至武平縣界黃栢嶺七十里西至大寧縣界塗河六十里南至富庶縣界趙花谷六十里北至高州界荆家寨五十里東到武平縣

一百五十里西到本路一百五十里南到富庶縣  
一百八十里北到高州九十里東南到金源縣九  
十里東北到武平縣一百五十里西南到本路一  
百五十里西北到松州二百五十里

按元惠和縣仍金舊屬今建昌北境

元史地理志武平

元一統志武平縣西南至大都一千二百里西北  
至上都一千里東至川州界欄子嶺七十里西至

惠和縣界盤道嶺八十里南至興中州界匣口五  
十里北至蒙古行營界郭松寨二十里東到川州  
一百五十里西到惠和縣一百五十里南到興中  
州一百八十里北到臨潢府一千三百里東南到  
義州三百里東北到懿州四百里西南到金源縣  
一百五十里西北到高州一百五十里

按元武平縣仍金舊屬今朝陽縣西北境

元史地理志和衆

元一統志和衆縣西南至大都九百里西北至上  
都九百里西北至本路九十里東至利州界水峪  
嶺三十里西至惠州界鶉鵠嶺一百里南至惠州  
界燕王城嶺六十里北至大寧縣界車家嶺四十  
里東到利州九十里西到興州三百五十里南到  
惠州一百六十里北到本路九十里東南到龍山  
縣一百四十里東北到富庶縣一百二十里西南  
到惠州一百六十里西北到上都路九百里

按元和衆縣仍金舊

元史地理志龍山

初屬大定府至元四年屬利州後來屬

元一統志龍山縣西南至大都九百里西北至上  
都一千一百二十里西北至本路二百四十里東  
至利州界石匣口五十里西至惠州界大嶺一百  
五里南至撫寧縣界冷口三百里北至利州界白  
道子嶺四十里東到錦州四百里西到惠州二百  
二十里南到撫寧縣三百五十里北到利州八十

里東南到瑞州二百八十里東北到建州二百里  
西南到遼安縣三百五十里西北到和衆縣一百  
四十里

按元龍山縣仍金舊和衆龍山屬今建昌縣西  
南境

元史地理志利州

元一統志利州西南至大都一千里西北至上都  
一千里東至錦州界利園嶺二百三十里西至和

衆縣界文山嶺六十里南至龍山縣界白道子嶺  
四十里北至富庶縣界龐家莊三十五里東到錦  
州三百五十里西到和衆縣九十里南到龍山縣  
八十里北到富庶縣七十里東南到瑞州三百里  
東北到建州一百二十里西南到惠州二百二十  
里西北到本路一百六十里

按金利州領阜俗龍山二縣元一統志謂至元  
二年降州為利城縣併省二縣五月復為州四



年二月復領二縣七月割龍山隸大定府阜俗  
縣併入本州隸大寧路皆元史所未詳屬今建

昌縣南境

元史地理志惠州

元一統志惠州西南至大都六百六十里西北至  
上都八百五十里東至利州界長嶺二百十里西

至興州界赤嶺六十里南至豐潤縣

豐潤至明初  
始改閭為潤

界崖兒口三百十里北至和衆縣界燕王城嶺一

百十里東到利州二百六十里西到興州二百二十里南到豐閏縣三百五十里北到和衆縣一百六十里東南到龍山縣二百二十里東北到本路二百二十里西南到遵化縣三百里西北到松州四百五十里

按元惠州以遼澤州地改置遼澤州本路神山縣而別領灤河縣金廢澤州及灤河縣承安時別置灤陽縣而亦旋罷故金志但有神山縣元

之惠州蓋在遼澤州之境而非即其故城考元  
一統志惠州有廢神山縣元罷為神山站又有  
廢灤陽縣元亦為站設巡檢司故知惠州為元  
所改置今承德府東南境平泉州南境皆元惠  
州地又建昌縣東南月華山在縣治東南一百八十里有元  
大德三年林泉寺地產碑詳見藝文門稱大寧路惠  
州東錦川鄉知今建昌縣之南境亦在惠州也

元史地理志高州

元一統志高州西南至大都一千一百二十里西  
至上都七百里東至武平縣界夾頭部落八十里  
西至松州界陰涼河七十里南至大定河界細河  
九十里北至蒙古行營界托拔河九十里東到武  
平縣一百五十里西到松州一百五十里南到本  
路二百二十里北到古慶州七百里東南到惠和  
縣九十里東北到臨潢府七百里西南到本路二  
百二十里西北到應昌府七百里

按元一統志元甲戌歲

時為元太祖九年

升高州為興

勝府丙子歲仍改高州隸大寧路元史未詳屬

今赤峯縣南境

元史地理志興中州

元初因舊為興中府後省至元七年又為州

元一統志興中州西南至大都一千二百里西北

至上都一千二百里西北至本路三百里東至義

州界喀喇山九十里西至金源縣界青山嶺八十

里南至瑞州界油霧嶺一百六十里北至武平縣

界匣口一百三十里東到義州一百八十里西到  
金源縣一百里南到瑞州三百里北到武平縣一  
百八十里東南到錦州一百八十里東北到川州  
一百八十里西南到建州八十里西北到惠和縣  
一百八十里

按元史順帝紀至正二年正月升懿州為路以  
大寧路所轄興中州義州屬懿州路今朝陽縣  
三座塔南六十里道旁有元至正四年重修石

木橋碑

詳見古蹟門

亦稱懿州路興中州元志失載

又元一統志謂金興中府領興中縣及洪寧縣  
元因之至元二年縣皆省降府為興中州尋復  
為興中府七年復降為州隸大寧路又有永德  
縣亦金興中府所屬元省入興中州皆元史所

未詳

元史地理志川州

元一統志川州西南至大都一千四百里西北至

上都一千里西北至本路五百里東至懿州界嶺  
東山七十里西至武平縣界欄子嶺八十里南至  
興中州界獨山一百四十里北至蒙古行營界蝦  
蟆山一百里東到懿州二百二十里西到武平縣  
一百五十里南到興中州一百八十里北到臨潢  
府一千五十里東南到義州一百八十里東北到  
咸平府六百二十里西南到金源縣三百里西北  
到高州三百里



按金川州治宜民縣元時無宜民縣而有川州亦即治宜民故地今據元至正五年川州重修

東嶽廟碑

詳見古蹟及藝文門

則元川州故城當即今朝

陽縣屬三座塔北一百六十八里之黑城子也

元史地理志建州

元一統志建州西南至大都一千一百七十里西北至上都一千七十里東至興中州界田家嶺四十里西至富庶縣界兩家店五十五里南至瑞州

界油霧嶺一百二十里北至金源縣界隆興寺五  
十里東到興中州八十里西到富庶縣七十里南  
到瑞州五百里北到金源縣九十里東南到錦州  
二百六十里東北到武平縣二百五十里西南到  
利州一百二十里西北到本路二百二十里

按元一統志謂金置建平縣元初因之後省建  
平入州元史未詳興中州川州建州俱屬今朝  
陽縣境

元史地理志上郡路

上郡故城在多倫諾爾廳

今領州四境在今

二州

興州

唐為奚地金初為興化軍隸北京後為興州元中統三年屬上都路領二縣

興安

至元二年置

宜興

至元二年置

按元史文宗紀致和元年八月升宜興縣為州

又灤平縣境有元天歷中宜興州所建太平王

德勝碑其文云天下既定秦升縣為州與元紀

合元志失載又順帝紀至元五年四月革興州  
興安縣志亦遺之元之興安即金之興化元興  
州治興安縣而別領宜興縣興州治在今灤平  
縣即俗所稱大興州宜興治在今灤平縣西北  
之小城子以元時嘗升為州今土人尚稱其地  
曰興州也

又按興州之里至元一統志未詳宜興故城本  
在灤平縣境而豐寧縣西北之上黃旗汛

在縣  
治西

北一百三十里有元至正時石碣為宜興開平分界之

所承德府治東南之五指山在府治東南四十里有元大

輪禪師碑稱為興州宜興縣知今灤平縣及承

德府之西境豐寧縣之南境皆宜興故地也元

之上都路開平府即今之桓州元上都城在桓州之東今

豐寧縣西北境兼得開平府地

元史地理志松州本松林南境遠置松山州金為松山縣隸北京大定府路元中

統三年升為松州仍存  
縣至元二年省縣入州

元一統志松州西南至大都九百里西北至上都

七百里東到高州分水嶺八十里西到興州塗土

嶺一百四十里南到大寧路二百二十里北到應

昌府七百里東南到武平縣三百里東北到古泉

州

金史作全州屬北京路在臨潢府西南  
二百三十里元時廢故稱爲古泉州

二百五

十里西南到興州三百五十里西北到上都七百

里

松州之四至八到元一統  
志未詳今從原文錄之

按松州爲今赤峯縣西境地元史世祖紀中統

三年二月以松州隸上都四年五月升開平府  
為上都升上都路松山縣為松州考元中統元  
年置開平府至四年始稱為上都又金時廢松  
山州存松山縣元初仍其舊至中統四年始升  
為松州是中統三年開平府尚未升為都松山  
縣亦尚未升為州當云以松山縣隸開平府元  
紀謂中統三年以松州隸上都元志謂中統三  
年升為松州者皆誤

元史地理志全寧路領縣一全寧

按志于全寧路下未詳建置沿革今考全寧路

為魯王分地今赤峯縣北烏丹城中有元魯國

大長公主碑是元時全寧路當在今赤峯縣北

所轄巴林二旗境內也元史特色辰

舊作特禪今改正

傳載特色辰子曰阿禪

舊作按陳今改正

曰和浩

舊作火忽

今改正

阿禪初封河西王後追封濟寧王阿禪孫

曰特木爾

舊作帖木兒今改正

曰曼濟岱

舊作蠻子台今改正

俱封



濟寧王特木爾子多阿克巴勒

舊作瑚阿不刺今改正

尚

大長公主加封魯王傳云太祖諭和浩曰哈拉

衮

舊作哈老溫今改正

迤東塗河潢河之間和爾齊諾

舊作

火兒赤納今改正

慶州之地與伊奇喇斯

舊作亦乞列思今改正

為隣汝則居之又諭阿禪之子蘇嚕克圖

舊作唆魯

大都今改正

曰以爾父子能輸忠於國哈瑪爾溫都

爾

舊作可木兒溫都兒今改正

遂東絡馬河至於赤山塗河

迤南與國民為鄰汝則居之考慶州故城本在

今赤峯縣北境巴林旗之西北其所謂塗河

王即

河亦名老河自喀喇沁右翼旗東北流至教漢奈曼旗境

潢河

自翁牛特左翼旗北境東

流至喀爾喀右翼旗境會老河

之間即今赤峯縣屬翁牛特左

翼旗及建昌縣北境教漢旗朝陽縣西北境奈

曼旗之北境也其所謂絡馬河

絡馬與落馬同金志松山縣及

三韓皆有落馬河

至於赤山塗河迤南與國民

國民指北京路

所屬為鄰即今赤峯縣屬翁牛特右翼之北境也

知今赤峯縣北境及建昌朝陽二縣西北境在

元時兼有魯王分地傳又云元貞元年濟寧王

曼濟岱尚囊嘉特

舊作囊加真今改正

公主請於帝以應

昌路東七百里駐冬之地初建城邑大德元年

名其地為全寧路是全寧路本在魯王分地之

中其故城當在今赤峯縣北巴林旗界今巴林

左右二旗應屬元全寧路地